

June 6th, 2017

Capeverdean

Kerídu(s) Pai(s)/Enkaregádu(s),

Boston Public Schools stá ta trabádja pa prepara káda studanti pa susésu y pa txeu studantis, es viajen ta komesa diariamenti na un autokáru amarélu. A partir di oji, BPS ta pidi bu partisipason na prosesu anual RSVP. Komu parti di es prosesu, nu stá ta pidí-bu pa:

- 1) Konfirma, si bu sabi, skóla bu(s) fidju(s) stá ta bai frekuênta durante anu skolar 2017-2018.
- 2) Dá BPS informason sobri bus transporti preferídu*, pur kada kriansa elijível, pa anu skolar 2017-2018.

*Kantu bu dá-nu informason sobri bus preferênsias ku antesedênsia, nu ta podi fazi un trabádjú midjor na trása un perkursu di autokáru y na reduson kustus, ki ta permití-nu konsentra más dinheru na salas di aula. Bu resposta tanbê ta djudá-nu midjora transporti di bu studanti.

Pa prenxi pedídu di informason, pur favor, (skodji un):

- Vizita nos pájina di internet (*preferídu*): www.bostonpublicschools.org/contact
- Ô, txoma pa nos linha dirétu: 617.635.9520
- Ô, faze-nu un vizita pesualmenti: The Bruce C. Bolling Municipal Building
2300 Washington St., Boston, MA 02119
Gabineti di Transporti - 2^o Andar

Nu ta entendi ma bus informason y preferênsias podi muda entri gósi y inísiu di prósimu anu letívu. Kázu for asin, bu podi atualiza es informason na kalker momentu (inkluzívi dipos di prázu). Kantu más sédu nu resebi bu RSVP, midjor nu ta podi fazi planiamentu di servísus di transporti pa abô. Nu ta pedí-bu, **pur favor, pa prenxi un RSVP pur káda kriansa até Kuarta-fera, 14 di Junhu di 2017.** Si nu ka resebi pélu menus un RSVP pur káda kriansa até 14 di Junhu, podi ter interupson na servísus na inísiu di prósimu anu letívu.

Obrigádu pa bu koperason ku es inisiatíva,



Tommy Chang, Ed.D.
Superintendent



John Hanlon
Chief of Operations